

靈感洞太虛 飛步霄上冰 津趣鼓萬流
潛疑真神登 無愛因無憂 高觀稽首升
伏願元為大道上帝高真居慈悲善巧之門
現微妙光明之相一身受福得為金闕之臣
九族同仙俱入玉虛之會得道之後昇入無
形

諷經 向來 回向

黃籙九陽梵炁燈儀終

黃籙九厄燈儀

法事如式 啓白

焚香供養

三清道主四帝天真十方救苦天尊得道聖
衆九州社令神君九幽地獄冥官三界職司
主執真宰伏願啓運慈悲證明祈叩奉為齋
官某人依按明科然點九厄神燈上照三境
諸天福堂之內明徹光景輝映十方中照中
宮神州境域妖惡滲消凶災殄滅下照九疊
重陰諸大地獄之中陽光所到罪苦咸原勝
利所資存亡獲福敢憑大眾同為讚揚

舉隨方救苦天尊

東方燈照震宮卯位上通青華元陽之門洞
清之炁暉映青靈始老蒼帝九炁天君華林
境界靜景真人無極之國惠靜裝嚴中照三
宮青州分野消蕩凶災掃除氛穢下照風雷
地獄用破飛戈飄戟之難
東南方燈照巽宮辰巳之位上通始陽生炁
之門梵行之炁暉映梵炁天君碧霞境界真
安真人無極之國妙寂裝嚴中照四宮徐州

分野獨消邪惡驅逐凶災下照銅柱地獄用
破身體焦爛之難

南方燈照離宮午位上通洞陽太光之門洞
陽之炁暉映丹靈真老赤帝三炁天君丹天
境界赤明真人無極之國端化裝嚴中照九
宮揚州分野消除災異掃蕩妖氛下照火醫
地獄用破吞火食炭之難

西南方燈照坤宮申未之位上通元皇高神
之門梵陽之炁暉映梵炁天君耀真境界瓊
光真人無極之國善救裝嚴中照二宮荊州
分野勅攝凶邪屏除疫癘下照屠割地獄用
破倒懸割體之難

西方燈照兌宮酉位上通陰靈金闕之門少
陰之炁暉映皓靈素老白帝七炁天君金光
境界法寶真人無極之國利益裝嚴中照七
宮梁州分野掃除氛穢蕩滌凶災下照金剛
地獄用破金鏈鐵杖之難
西北方燈照乾宮戌亥之位上通九陽梵行
之門梵元之炁暉映梵炁天君妙道境界濟
苦真人無極之國真仙裝嚴中照六宮雍州

分野蕩滌妖惡滅邪精下照火車地獄用
破兵刃火輪之難

北方燈照坎宮子位上通陰生廣靈之門洞
陰之炁暉映五靈玄老黑帝五炁天君真空

境界救苦真人無極之國救度裝嚴中照一
宮冀州分野洗滌山邪屏除災翳下照溟冷

地獄用破冰池楚毒之難

東北方燈照艮宮丑寅之位上通禁上之門

梵元之炁暉映梵炁天君長樂境界妙音真
人無極之國周市裝嚴中照八宮兗州分野

廓清災癘摧滅凶邪下照鑊湯地獄用破鐵
叉焚瀆之難

中央燈照中宮一十二炁天君上通大羅飛
梵之門光徹玄都玉京金闕七寶玄臺三境

諸天帝君無色境界上聖高真自然真人無
極之國紫霄紫微中照神州境域五宮豫州

分野疫毒咸消邪惡自屏四民康樂百穀順
成瑞慶大來兵戈偃戢下照中央音掠地獄

用破劔林刀山之難

誦經 向來 回向

黃籙九厄燈儀終



二燈儀同卷

黃籙破獄燈儀

黃籙五苦輪燈儀

黃籙破獄燈儀

法事如式

伏以太極太虛真人曰陰陽成象天地分形
晝夜既殊昏明有異所以清淨表質九天為
先聖之都濁厚流形九地為鬼神之府九天
之上陰炁都消九地之下陽光永隔由是幽
冥之界無復光明當晝景之時猶如重霧及
昏暝之後更甚陰霾長夜冥冥無由開曉致
有沉淪北府受報鄴都不觀光明動經億劫
是故

天尊以無上道力發廣大慈悲然九獄之神
燈救重泉之苦真靈先下燭煥明北府之昏
衢和氣潛臻解釋丘寒之冰滿登命
三官九府百二十曹五帝考官巨力士
同稟教戒拔度亡魂莫不稽首歸依恭承慈